



Aqqalu C. Jerimiassen

UPA 2022/65_1

Atassut

06. Maj 2022

Inatsisartut aalajangiiffigisassaattut siunnersuut Naalackersuisut peqquneqassasut nalunaarusioqqullugit suleriaatsit eqaallisarumallugit, peqqinnissaqarfimmi imminut sullinnerup eqquneqarnerata aningaasaqarnikkut allaffissorinnikkullu kingunerisassaasa kiisalu inuiaqatigiinnut iluaqutissartaasa ersarissarnissaat siunertaralugu, taamaalillunilu sulisut napparsimasunut innuttaasunullu toqqaannartumik attaveqarnermut atorneqarsinnaaqqullugit. Nassuiaat UPA 2023 nallertinnagu Inatsisartunut agguanneqassaaq.

(Inatsisartunut ilaasortaq Anna Wangenheim, Demokraatit)

Akisussaaffimmik innuttaasumut tunniussinerunissaq isumaavoq torrallataalluinnartoq. Qulequtsiisorlu uani siunnersuummi Anna Wangenheim taperserluinnarusupparput.

Kialluunniimmi innuttaasup oqinnerusumik sullinneqarsinnaanissani atorfissaqartippaa angorusullugulu. Uanilu maanna qimerloorluariaraanni, Nuummi periuseq atuuttoq, tassalu nittartakkakkut toqqaannarnerusumik sullinneqarnissamut periuseqalernissaq ujartorneqarpoq. Ukiuni kingullerni anneruleralluttuinnartumik digitaliusumik imminut sullittarneq atorneqaleriartorsimavoq, ingasammillu sullissivik.gl-ip pilersinneqareerneraniit annertuneruleralluttuinnartumik nammineerluni imminut sullittarneq inuiaqatigiinnit sungiunneqarneruleralluttuinnarsimavoq, tamassumallu inerisarneqarnerata suli ingerlattuarnissaa pisariaqarpoq.

Nakorsiarsinnaanermut, assingusumilluunniit arlaannik inniminniissatilluni periutsip inerisaqqittariaqarnera naalackersuisut §37-imi imaaliinnarlutik akisinnaanissaanut ajornakusoortitsisimagaluartut, nakorsiartarfeqarnikkut allaffissornerup millisartariaqarnera, attaveqarniartarnerullu ajornakusoorsinnaanerujussua millisarneqarsinnaasoq Atassummiit upperaarpur.

Maannalu NemID atorlugu, illuanissaarlu MitID-mut ikaarsaariartuaarnermi annertuumik sungiunneqareersimalerpoq, siunnersuummissaarlu ineriartornerup malinnaasumik ingerlattuarneqarnissaa erseqqaarittoq malunnarmat. Sullissivik.gl atorneqalertussangormammi, NemID-mullu tunngatillugu qularneq annertoq pioreernikuusooq nalunngilarput, tassalu teknologimik atuinikkut imminut sullinnissamut nalorsartussat utoqqaanerusullu eqqarsaatigalugit qisuariaataasimasut.

Maannakkumulli inerneru eqqarsaatigissagaanni, akileraartarnikkullu assersuutingalugu nammineerluni immersugassani inuppassuit atorlualersimavaat toqqaannaq saaffiginninngikkaluarlutik, nittartakkakkut NemID atuinnarlugu ingerlattarneratigut. Nakorsiartarnikkullu sinerissap sinneranut nuummi peruserineqartup assipajaavanik iliortoqartalersinnaanera misissortissallugu assut soqutiginaateqarpoq.

Taamaattumillu takinerusumik oqaaseqanngikkaluarluta, siunnersuut Atassummiit taperserlugu Ilaqutariinnermut Peqqissutsimullu ataatsimiitsitaliamut innersuupparput.